

STJÓRNARTÍÐINDI B 101 – 1997

28. nóvember 1997

1553

Nr. 677

AUGLÝSING

um staðfestingu reglugerðar fyrir Tónskóla Neskaupstaðar.

Með vísan til 2. gr. laga nr. 75/1985 um fjárhagslegan stuðning við tónlistarskóla staðfestist hér með reglugerð fyrir Tónskóla Neskaupstaðar, sem samþykkt var af bæjarstjórn Neskaupstaðar hinn 10. október sl. og birtist sem fylgiskjal með auglýsingu þessari.

Auglýsing þessi öðlast þegar gildi.

Menntamálaráðuneytinu, 28. nóvember 1997.

Björn Bjarnason.

Guðríður Sigurðardóttir.

Fylgiskjal.

Reglugerð fyrir Tónskóla Neskaupstaðar.

1. gr.

Skólinn heitir Tónskóli Neskaupstaðar. Skólinn er eign Neskaupstaðar og fer bæjarstjórn Neskaupstaðar með yfirstjórn hans. Skólinn starfar skv. lögum um fjárhagslegan stuðning við tónlistarskóla nr. 75/1985 með síðari breytingum.

2. gr.

Markmið skólans er að veita almenna tónlistarfræðslu og vinna að eflingu tónlistarlífs í Neskaupstað.

Þessum markmiðum hyggst skólinn ná meðal annars með því að:

- annast kennslu í hljóðfærarleik og söng ásamt kennslu í öðrum tónlistgreinum sem gert er ráð fyrir í námskrá tónlistarskólanna,
- búa nemendum fjölbreytt skilyrði til að þroska tónlistarhæfileika sína og sköpunargáfu,
- leggja áherslu á félagslegt gildi tónlistariðkunar með þátttöku nemenda í samleik, kór- og hljómsveitarstarfi,
- búa nemendur undir framhaldsnám í tónlist,
- gera fullorðnum kleift að auðga tómstundir sínar með tónlistariðkun,
- styðja kennara skólans til tónleikahalds.

3. gr.

Skólanefnd Neskaupstaðar sem kosin er samkvæmt 62. gr. samþykktar um stjórn Neskaupstaðar fer með málefni Tónskóla Neskaupstaðar.

4. gr.

Formaður skólaneftndar boðar til fundar með dagskrá svo oft sem þurfa þykir og er skylt að boða til fundar ef tveir nefndarmenn, skólastjóri eða kennarafundur æskir þess.

Skólastjóri skal sitja skólaneftndarfundi. Heimilt er kennarafundi að tilnefna 1 fulltrúa úr hópi fastra kennara til að sitja skólaneftndarfundi með málfrelsi og tillögurétt þegar fjallað er um málefni Tónskólans og skal hann bundinn sömu trúnaðarskyldu og aðrir nefndarmenn.

5. gr.

Bæjarstjórn ræður skólastjóra að fengnum tillögum skólaneftndar. Skólastjóri ræður kennara og aðra starfsmenn í samráði við skólaneftnd. Starfsmenn skólans starfa samkvæmt starfslýsingum sem skólaneftnd ákveður.

6. gr.

Kennarafundur er skólastjóra til ráðuneytis um starf skólans. Kennarafundi skal halda ekki sjaldnar en 4 sinnum á starfstíma skólans.

Skólastjóri boðar til kennarafunda með dagskrá og tilnefnir fundarstjóra og ritara sem færir gjörðabók kennarafunda.

Skyllt er föstum kennurum skólans að sækja kennarafundi. Skyllt er stundakennurum að sækja kennarafund ef skólastjóri æskir þess, enda sé boðað til fundarins með a.m.k. þriggja daga fyrirvara.

Skyllt er að halda kennarafund ef minnst 1/4 hluti fastra kennara æskir þess.

7. gr.

Starfstími skólans er 9 mánuðir frá 1. september ár hvert. Leyfi yfir starfstímann skulu vera þau sömu og í grunnskólum bæjarins. Viðverutími starfsmanna og vinnuskylda fer eftir gildandi kjarasamningi.

8. gr.

Rekstur skólans skal kosta með fjárveitingu á fjárhagsáætlun Neskaupstaðar og skólagjöldum nemenda.

Bæjarsjóður Neskaupstaðar annast greiðslu launa og rekstrarreikninga svo og bókhald Tónskóla Neskaupstaðar.

9. gr.

Skólagjöld eru ákveðin af bæjarstjórn að fengnum tillögum skólastjóra og skólaneftndar. Skólagjöld skulu greidd í upphafi annar.

10. gr.

Skólastjóri skal fyrir 1. júní ár hvert gera áætlun um kennslustundafjölda á næsta skólaári í samráði við skólaneftnd. Skal áætlun þessi lögð fyrir bæjarstjórn til samþykktar. Áætlun um kennsluskipan og námsframboð skal liggja fyrir í upphafi skólaárs.

11. gr.

Skólastjóri setur skólanum starfsreglur sem kveða á um ástundun, árangur og umgengni nemenda. Reglurnar skulu settar að fenginni umsögn kennarafundar og þurfa samþykki skólaneftndar.

12. gr.

Rétt til skólavistar hefur hver sá er áhuga hefur á tónlistarnámi því sem skólinn býður upp á með eftirtöldum frávikum:

- a) Þurfi að takmarka fjölda nemenda á einstökum námssviðum er skólanum m.a. heimilt að beita hæfnisprófum og breyta auglýstu fyrirkomulagi.

- b) Heimilt er skólastjóra að vísa nemanda frá námi ef hann hefur ekki sinnt því um lengri tíma eða hefur gerst brotlegur við reglur skólans og ekki látið skipast við áminningu. Úrskurði skólastjóra má skjóta til skólanefndar til umfjöllunar.

13. gr.

Reglugerð þessi er samþykkt af bæjarstjórn Neskaupstaðar þann 10. október 1995.

2. desember 1997

Nr. 678

SAMÞYKKT**um breytingu á samþykkt um hundahald í Reykjavík nr. 305/1989,
með síðari breytingum.**

1. gr.

1. ml. 1. mgr. 2. gr. hljóði svo:

Heilbrigðisnefnd, í umboði borgarstjórnar, er heimilt að veita lögráða einstaklingum sem búa í Reykjavík undanþágu frá 1. gr. og leyfi til hundahalds í lögsagnarumdæmi Reykjavíkur með eftirfarandi skilyrðum:

2. gr.

1. ml. stafl. d. 2. gr. hljóði svo:

Skylt er leyfishafa að hafa hundinn ábyrgðartryggðan og getur heilbrigðisnefnd ákveðið að gera heildarsamning við tryggingarfélag, eitt eða fleiri.

3. gr.

1. mgr. 3. gr. hljóði svo:

Umsókn um leyfi til hundahalds skal senda Heilbrigðiseftirliti Reykjavíkur, sem gefur út umbeðið leyfi að fengnu samþykki heilbrigðisnefndar.

4. gr.

Í 4. gr. komi í stað orðsins „borgarstjórn“ orðið „heilbrigðisnefnd“.

5. gr.

Í 5. gr. komi í stað orðsins „borgarstjórn“ orðið „heilbrigðisnefnd“.

6. gr.

Ákvæði til bráðabirgða fellur niður.

7. gr.

Samþykkt þessi sem er samþykkt af borgarstjórn Reykjavíkur staðfestist hér með samkvæmt 18. gr. laga nr. 81/1988, um hollustuhætti og heilbrigðiseftirlit, með síðari breytingum, til þess að öðlast gildi 1. janúar 1998.

Umhverfisráðuneytinu, 2. desember 1997.

F. h. r.

Ingimar Sigurðsson.

Sigurbjörg Sæmundsdóttir.